

Samningur

mennta- og menningarmálaráðuneytis við Bandalag íslenskra leikfélaga um ráðstöfun styrktarframlags

Mennta- og menningarmálaráðuneyti, kt. 460269-2969, í samningi þessum nefnt ráðuneyti, og Bandalag íslenskra leikfélaga, kt. 440169-0239, í samningi þessum nefnt Bandalag íslenskra leikfélaga, gera með sér svofelldan samning.

1. Markmið og starfsemi

1.1. Meginmarkmið með samningi þessum eru að:

- Að stuðla að uppbyggingu leiklistarstarfs í öllum byggðarlögum landsins.
- Að gera áhugafólki kleift að afla sér menntunar í listinni og skapa því aðstöðu til að þroskast í menningarlegu og faglegu tilliti.
- Að útvega leikverk og sjá um fjölrítun þeirra eða útgáfu.
- Að útvega leikstjóra/leiðbeinendur sé þess óskað.
- Að miðla upplýsingum og fræðslu á skilvirkan hátt.
- Að kynna starfsemi íslenskra áhugaleikfélaga innan lands sem utan.
- Að örva leikfélög til að leita nýrra leiða í leiklistarstarfi.
- Til að auðvelda sér að ná markmiðum sínum rekur Bandalagið þjónustumiðstöð.

1.2. Starfsemi

- Varðveisla stærsta safns leikrita á íslensku sem til er, miðlun handrita og ráðgjöf um verkefnaval.
- Rekstur Leiklistarskóla Bandalags íslenskra leikfélaga, ráðning kennara, kynning á námskeiðum og annað sem þarf til.
- Upplýsingagjöf um leikstjóra, leiðbeinendur og tæknifólk sem starfa með áhugaleikfélögum.
- Rekstur og ritstjórn vefsins www.leiklist.is sem miðlar m.a. fréttum um leiklistarlífið í landinu og upplýsingum um starfsemi samtakanna.
- Söfnun upplýsinga um starfsemi aðildarfélaganna og útgáfa ársrits.
- Stuðla að samskiptum og samvinnu leiklistaráhugafólks á norrænum og alþjóðlegum vettvangi.
- Almenn ráðgjöf fyrir áhugaleikhúsfólk um hvaðeina sem lýtur að starfsemi leikfélaga.
- Innflutningur og sala á leikhúsfarða og skyldum vörum.
- Daglegur rekstur samtakanna.

2. Forsendur samnings og lagaheimildir

- 2.1. Framlag ráðuneytisins til samnings þessa ræðst af fjárveitingu sem ákveðin er á grundvelli fjárheimilda í fjárlögum hvers árs. Á yfirstandandi ári er gert ráð fyrir 6 m. kr. fjárveitingu. Gert er ráð fyrir sömu upphæð fyrir árin 2017 og 2018.
- 2.2. Ráðuneytið annast samskipti aðila vegna samningsins við fjármála- og efnahagsráðuneyti, sbr. 1. mgr. 21. gr. laga nr. 123/2015 um opinber fjármál, og við Alþingi. Það mun leggja til við fjárlagagerð að árlegt framlag til samningsins út samningstímamann verði í samræmi við gr. 2.1 með fyrirvara um að Bandalag íslenskra leikfélaga standi við skuldbindingar sínar. Framlög ríkisins skv. samningnum eru með fyrirvara um fjárheimildir til málefnasviðs 18 Menning og listir í fjármálaáætlun og fjárlögum og aðhaldsaðgerða sem stjórnvöld kunna að ákveða í kjölfar samþykktar fjárlaga.
Bandalag íslenskra leikfélaga ekki kröfu á ríkissjóð eða rétt á bótum þótt framlag til samningsins verði lækkað eða fellt niður.
- 2.3. Bandalag íslenskra leikfélaga starfar samkvæmt lögum sem samþykkt hafa verið á aðalfundum félagsins og starfsáætlunum samþykktar á aðalfundum fyrir hvert starfsár.
- 2.4. Bandalag íslenskra leikfélaga starfar í samræmi við lög og reglugerðir sem gilda um umsamda starfsemi og verkefni, en einnig, eftir því sem við á eftir lögum og reglugerðum um rekstur aðila sem kostaðir eru að verulegu eða öllu leyti af framlögum ríkisins.

3. Ábyrgð

- 3.1. Bandalag íslenskra leikfélaga ber ábyrgð á starfsemi sem samningur þessi tekur til og að hún fullnægi kröfum um fagmennsku og gæði. Bandalag íslenskra leikfélaga skal geta lagt fram gögn og skýrslur þessu til staðfestingar, sé eftir því leitað.
- 3.2. Bandalag íslenskra leikfélaga ber ábyrgð á skuldbindingum sem það eða aðilar á þess vegum stofna til í tengslum við samning þennan.
- 3.3. Bandalag íslenskra leikfélaga er óheimilt að:
 - 3.3.1. Afhenda, án skriflegs samþykkis ráðuneytisins, réttindi sín og skyldur samkvæmt samningi þessum í hendur þriðja aðila.
 - 3.3.2. Framselja greiðslur skv. samningi þessum til þriðja aðila og setja með öðrum hætti til tryggingar fjárskuldbindingu skv. 45. gr. laga um samningsveð nr. 75/1997.

4. Upplýsingar, samskipti og eftirlit vegna fjármála

- 4.1. Ráðuneytið greiðir árlegt framlag samkvæmt samkomulagi sem liggja fyrir í byrjun hvers árs. Greitt er inn á bankareikning í viðskiptabanka Bandalag íslenskra leikfélaga
 - 4.2. Bandalag íslenskra leikfélaga skilar ráðuneytinu:
 - 4.2.1. Áætlun um rekstur og efnahag ásamt starfsáætlun, þar sem fram komi m.a. hvernig er áætlað að ráðstafa framlaginu og helstu starfsmarkmið sem unnið verður að, fyrir lok janúar ár hvert.
 - 4.2.2. Endurskoðuðum ársreikningi ársins á undan með skýringum, fyrir lok júní ár hvert og skal afrit jafnframt sent Ríkisendurskoðun.
- Eigi Bandalag íslenskra leikfélaga í viðskiptum við lögaðila sem það á eignarhluta í eða er í eigu fjárhagslegra tengdra aðila svo sem stjórnenda þess, eða annarra aðila, skulu þau fara fram á viðskiptalegum forsendum og gerð grein fyrir þeim í ársreikningi.

5. Upplýsingar , samskipti og eftirlit vegna verkefna

- 5.1. Ráðuneytið hefur eftirlit með framkvæmd samningsins.
- 5.2. Fulltrúar ráðuneytis og Bandalag íslenskra leikfélaga funda að lágmarki árlega um samninginn.
- 5.3. Fyrir lok júní ár hvert skilar Bandalag íslenskra leikfélaga ráðuneytinu greinargerð um framkvæmd samningsins þar sem fram komi meðal annars hver staða verkefna er og hvernig framlagi var ráðstafað í samanburði við áætlun.
- 5.4. Bandalag íslenskra leikfélaga skilar ráðuneytinu upplýsingum sem það kallar eftir vegna opinberrar upplýsingagjafar.
- 5.5. Bandalag íslenskra leikfélaga veitir ráðuneytinu upplýsingar sem það kallar eftir vegna eftirlits með framkvæmd samningsins. Ráðuneytið hefur heimild til að gera sjálft eða fela öðrum að gera athuganir og úttektir á öllum eða einstaka þáttum í framkvæmd samningsins. Í því sambandi hefur það óheftan aðgang að öllum gögnum sem máli skipta.
- 5.6. Samning þennan, ársreikning Bandalag íslenskra leikfélaga, greinargerð um framkvæmd samnings og úttektarskýrslur skal birta á vef Bandalag íslenskra leikfélaga jafnóðum og þessi gögn liggja fyrir. Ráðuneytinu er heimilt að birta gögnin á vef sínum.
- 5.7. Bandalag íslenskra leikfélaga setur á vefsíðu sína ýmis gögn sem eru efnislegar afurðir starfsemi þess, svo sem skýrslur, leiðbeiningar og áætlanir.

6. Vanefndir og meðferð ágreinings

- 6.1. Bandalag íslenskra leikfélaga tilkynnir ráðuneytinu tafarlaust ef talinn er vafi leika á að það geti uppfyllt skyldur samkvæmt samningnum. Jafnframt er greint frá úrræðum sem það hyggst grípa til.
- 6.2. Ráðuneytinu er heimilt að draga úr greiðslum, stöðva greiðslur og endurkrefja um greiðslur uppfylli Bandalag íslenskra leikfélaga ekki skyldur sínar samkvæmt samningi þessum.
- 6.3. Samningsaðilar munu leitast við að jafna ágreining, ef einhver er, sín á milli.
- 6.4. Dómsmál sem rísa kann út af samningi þessum skal rekið fyrir Héraðsdómi Reykjavíkur.

7. Gildistími og lok samnings

- 7.1. Samningurinn gildir fyrir árið 2016 og til 31. desember 2018.
- 7.2. Hvor aðili um sig getur óskað eftir því að einstök ákvæði samnings þessa eða samningurinn í heild verði tekinn til endurskoðunar, enda séu færð fyrir því efnisleg rök. Endurskoðun skal þá hefjast svo fljótt sem verða má.
- 7.3. Óski annar hvor aðila eftir að segja samningnum upp skal það gert skriflega með þriggja mánaða fyrirvara
- 7.4. Samningur þessi er gerður í tveimur samhljóða eintökum og heldur hvor aðili eintaki.

Reykjavík 22. desember 2016


F.h. mennta- og menningarmálaráðuneytis


F.h. Bandalag íslenskra leikfélaga